

AER CRITICA A PASIVIDADE DO GOBERNO LOCAL ANTE AS OBRAS NOCTURNAS DO AVE EN NEGROS



Nas obras do AVE seguen a traballar de noite, cousa que está totalmente prohibida. AER informou en numerosas ocasións ao equipo de goberno, tanto na comisión de seguimento das obras, como no pleno, por rexistro, oralmente... e todo sigue igual. Na última comisión de seguimento, o 10 de xullo de 2013, o responsable das obras alegou o descoñecemento desta normativa, non era a primeira vez que nos respondían así. O representante de AER en dita comisión procedeu a mostrarlle os documentos onde viña recollida dita prohibición.

Estamos fartos de escusas, estamos fartos de que o Concello deixe campar as súas anchas ás empresa que incumpren as normas e non apliquen as sancións que corresponden.

Que os representantes aleguen unha e outra vez descoñecemento das normas di moi pouco do equipo de goberno, concretamente do concelleiro de Medio Ambiente, Miguel Angel Álvarez Ballesteros. El coñece a ordenanza e sabe que a empresa está a incumprila, e que fai?...NADA. Levamos xa 5 anos de incumprimento, incontables denuncias dos veciños e aínda non lles impuxeron unha sanción, cousa para a que teñen potestade. Non nos veñan con contos e sancionen dunha vez coa contía máxima por reiteración no incumprimento. Coa veciñanza non teñen tantas contemplacións a hora de impoñer sancións, nos somos todos iguais?

Deixámosvos parte dunha nota que publicamos o 25 de xuño de 2012, explicando a situación.

“ A verdade, **estamos bastante decepcionados co resultado destas comisións**, porque dende a primeira que se fixo, denunciámos por activa e por pasiva o **incumprimento da declaración de impacto ambiental, os traballos nocturnos, os vertidos ao río, etc.** sen que ata o momento teñamos noticias de sanción algunha por parte das diferentes administracións... Bueno, Augas de Galicia algunha “multiña” puxo (3 se non nos trabucamos), pero dende que estamos nós, non houbo ningunha máis, mentres **seguiro e seguen a incumprir as normas.**

Sabiades que dende maio de 2008 os veciños de Negros puxeron numerosísimas denuncias polos rúidos producidos polos traballos nocturnos?

Sabiades que o 16 de maio a empresa pide permiso para poder realizar traballos nocturnos?

Sabiades que dende o 20 de maio de 2008 a empresa encargada da inspección sonométrica informa que o Concello debe paralizar as obras nocturnas?

Sabiades que o concelleiro delegado de medio ambiente, o 21 de maio, visto este informe e un da policía municipal do 15 de maio, require á empresa a paralización das obras en horario nocturno mentres non aporten documentación que indique o contrario, e en caso de seguir, o Concello aplicaría as medidas legais oportunas?

Sabiades que en base ao proxecto de referencia recibido no Concello o 23/07/2008, recabado da Dirección Xeral de Ferrocarrís, **non se contemplan traballos nocturnos?**

Sabiades que atendendo a este proxecto **ONDE NON SE CONTEMPLAN TRABALLOS NOCTURNOS** e á ordenanza de protección do medio ambiente contra a contaminación acústica (B.O.P. nº 188, do 30/09/2003) e dacordo coa delegación xenérica da Alcaldía do 11 xullo de 2007 (B.O.P. nº 146 do 30 de xullo) o 13 de agosto de 2008 **denégase o permiso? Denégase???**

Sabiades que na anterior comisión de seguimento, **o responsable de Fomento dixo que descoñecía que se traballara pola noite e non ía volver pasar?**

Sabiades que a día de hoxe seguen traballando pola noite?

Sabiades que segundo a Ordenanza Municipal o incumprimento das ordes de clausura ou de paralización de actividade acordadas pola autoridade competente constitúen una **falta moi grave?**

Sabiades que as faltas moi graves poden sancionarse con multas que van dende os **9015.19 € a 60101.21 €?**

Sabiades que nestes **4 anos** non se lles puxo **ningunha sanción?**

Agardamos que desta vez o equipo de goberno “dea a cara e colla o touro polos cornos”, tal como afirmou o alcalde na reunión cos afectados das obras no Val do Maceiras (05/06/2012).

AER quiere agradecer a colaboración dos veciños de Negros que nos facilitaron diversa información e documentación.”